

Messa Noela de siur Stefano Trevisan – Al Plan, ai 5 de juli 2020

La Ploania d'Al Plan se ralegreia da podei festejé la Messa Noela dal Miscionar combonian siur Stefano Trevisan.

I fajarun festa en sabeda y en domegna ai 4 y 5 de messé, con cösc program:

Sabeda 4 de messé

Ales 21:00 gnarál perié i Espi te dlijia, olache al pó ete cina 100 porsones. La funziun sará ince da aldi tres microfón alaleria.

Dedó é duc enviés da ti ciaré ala iluminaziun dal paisc.

Domegna 5 de messé

Ales 10:00: ingres da calogna jö con le primiziant - dedô Messa da festa.

Te dlijia pó ete 100 porsones (con envit). La messa sará ince da odei sön na gran televijiun danló dal paiun de paisc sora la dlijia. Ara sará lapró da odei en "streaming" te internet, sön le sit de Rai Ladinia www.raibz.rai.it/la/index.php

I recordun che sides te dlijia co alaleria él da tigní ete les mosöres de precauziun, dades dant por la situaziun dal „coronavirus“. Iolan a duc dla colaboraziun.

Funziuns liturgiches sö La Crusc



Iönesc ai 29 de jügn: San Pire y San Paul

ales 07:30 prozesciun da San Linert sö La Crusc,

ales 09:30 santa messa

dales 10:00 ales 15:00 ores d'adoraziun

ales 15:00 benedisciun y conclujun.

Le lift da La Crusc é en funziun dales 08:30 ales 17:30.

Enformaziuns y termins

8% ala dlijia: con na firma sön nosta "denuncia dei redditi" o mod. CU podunse destiné l'8% ala dlijia catolica. Emplü pón sostegni con le 5% val atra organisaziun catolica o sozjala. Chi co ne fej nia la detlaraziun (p.ej. chi co á ma na ponsiun) pó scrí fora por cösc n formular aposta, da dé jö te na busta cina ai 30 de setember te n ofize dla Posta. Formulars y bustes é da ciagé te dlijia.

Ocio – Ega de Prades: le Comune lascia alessei, che l'ater edema gnarál fat laurs pla condüta dal ega sot Alnei. Chi da Longega y Framacia pó romagne val ora zonza ega.

Döt le bun a:		
Vesco Ivo Muser		ordinaziun 28.06.1987
Signor Heinrich Ellecosta, <i>San Ciascian</i>		ordinaziun 29.06.1964
Signor Heinrich Perathoner, <i>curat</i>		ordinaziun 29.06.1968
Signor Iaco Ploner, <i>La Ila</i>		ordinaziun 29.06.1971
Signor Iaco Willeit, <i>degan</i>		ordinaziun 29.06.1972
Signor Tone Fiung, <i>Balsan</i>		ordinaziun 29.06.1980
Signor Klaus Sottsas, <i>ploan</i>		ordinaziun 28.06.2008
Sr. Alma Morlang, <i>Roma</i>		* 04.07.1933

y a duc chi co á santennom y compless i agn cöst'edema

Impressum: Ploania d'La Pli; redaziun Franz Rigo y Edith Willeit
Comunicaziuns cina le **dedemesaledema** sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



Plata dla Ploania **La Pli de Mareo** Santa Maria dal Bun Consei

Ploan: Signor Klaus Sottsas
E-mail: ploania@gmx.net

Calogna Al Plan: 0474 501006
Radio de Ploania: 93,00 MhZ

UNITÉ PASTORALA



VAL BADIA
www.unitepastorala.org

Ann A

28.06.2020 - 13. domegna ia por l'ann

n. 31

Dé alberch de cör - se azeté önn l'ater

 **2 Resc 4, 8–11.14–16a | Rom 6, 3–4.8–11 | Mt 10, 37–42**

Dal Vangelo do San Mateo:


Te chel tomp á Gejú dit a sü discepui. ³⁷Chel co ti ô plü bun al pere y ala oma co a me, n'é nia degn de me, ³⁸y chel co ti ô plü bun al fi o ala fia, n'é nia degn de me. Y chel co ne tól nia söa crusc sön el y ne mo ven nia do a me, n'é nia degn de me. ³⁹Chel co ô davagné la vita, la pordará; chel endere co pordará la vita por mia gauja, la davagnará. ⁴⁰Chel co ves tól sö os, chel tól sö me, y chel co tól sö me, tól sö chel co m'á mené. ⁴¹Chel co tól sö n profet, deach'al é n profet, gnará recompensé desco n profet, y chel co tól sö n iüst, deach'al é n iüst, gnará recompensé desco n iüst. ⁴²Y chel co ti dá a önn de chisc pici, ince ma önn n goto d'ega fresca da bere, deach'al é n discepul, – Amen, iu ves diji: al ne pordará dessogünonia so paiamont.

Oraziun dal de

Periun! Dio, nosc Pere, tal bato aste fat fora de nos fis dal lominus: no nes lascé tomé tla scürité dal picé, mo deidesse resté tla löm de töa verité. Do cösc te periunse por nosc Signur Gejú Crist, to Fi, co é Dio y vir y regneia con te t'unité dal Spirit Sant por duc i secui dai secui. – Amen

(Lezionar A)



 **Letöres dla 14. domegna ia por l'ann:**
Zac 9, 9–10 | Rom 8, 9.11–13 | Mt 11, 25–30

Edema liturgica dai 28.06. ai 05.07.2020

DOM 28.	13. domegna ia por l'ann <i>Ireneus, Eckehard</i>
08:30	gran messa por dōta la ploania <i>oferta por la ploania</i>
	s.m. por † Emma Frontull ved. Ellecosta, Longega
	s.m. de rengraziamont a Sant'Ojep Freinademetz
15:00	tal dom da Porsenú consacraziun a preo de Stefano Trevisan
Lön 29.	GRAN FESTA DAI APOSTUI SAN PIRE Y SAN PAUL, <i>Pablo</i>
18:00	<i>s.m. a Al Plan</i>
Ded 30.	<i>I pröms martirs da Roma, Otto da Bamberg, Alfred, Wilhelm, Ernst</i>
07:30	s.m. por † Lena Frena Brandlechner, Sotrú
	s.m. por † Jan Maneschg, da Poz
	s.m. por la sanité
Dem 01.	<i>Otto, Teoderich, Dietrich</i>
Jöb 02.	 festa dla vijita de Santa Maria a Elisabeta - de d'oraziun do vocaziuns
→ 19:10	corona por perié do vocaziuns
19:30	s.m. de rengraziamont dles families Carlo, Franz y Thomas Feichter
	s.m. de rengraziamont dla familia Josef y Ingrid Complöi
	s.m. d'aniversar por † Jan Ellecosta, Stifler
	s.m. por † Regina Ellecosta, Stifler
Ven 03.	pröm vendres - festa de San Tomesc apostul, <i>Günther</i>
→ 19:30	signor ploan va a proveder
	zelebrazium dla Parora de Dio
Sab 04.	<i>Sabeda de Santa Maria Ulrich, Elisabeta dal Portugal, Berta</i>
07:30	s.m. d'aniversar por † Jep Palfrader, Mone
	s.m. en recort de signor Heinrich Videsott por la sanité dla fam. Paul y Maria Pedevilla
	s.m. por les Püres Armes
DOM 05.	14. domegna ia por l'ann <i>Antonius Maria Zaccaria, Letizia</i>
08:30	gran messa en onú de Santa Maria por dōta la ploania
	s.m. en onú de Santa Maria por la sanité <i>oferta por la ploania</i>
10:00	a Al Plan Messa noela de Stefano Trevisan
<i>ampola:</i>	por Paola Palfrader, La Pli
<i>ministronc:</i>	→ dedolönesc y sabeda: Moses y Laura → jöbia y domegna: Lucia y Eliane
<i>i recordun:</i>	Jan Ellecosta, <i>Stifler</i> † 29.06.2015 Hedwig Rigo Pitscheider, <i>Selva</i> † 30.06.2010 Maria Sabina Valentin ved. Costa † 02.07.2012 Jep Palfrader, <i>Mone</i> † 04.07.2017



Le paraisc te n goto d'ega (Mt 10, 37-42)

I ponsi do

Sc'i ti jun do a Gejú fajenn na vita plena de bonté y d'amur podunse ester sogüsc ch'ara n'é nia sciürada demez. Vire ensciö ô dí ti porté Gejú ai atri y ti dé la poscibilité da le tó sō te so cōr. Al n'é nia rio o compliché: al basta en picio segno sonzier y sciompl de ciarité.

I preii ensciö

Ci é pa en goto d'ega, Signur, en confrunt ala gran meseria sön cōsc monn. Al n'oress ester en gröm de litri por che tan de jont ne moriss nia da sei y an adorass miliardi de pans por nudrí la fan tal monn. Tō endere empormetes en paiamont ince a chi co ofresc ma en goto d'ega... y nos sán che to paiamont é dagnora straordinar. Tō, Gejú, ciares al cōr y al'entenziun d'amur ch'i metun te nosc comportamont. Tō se damanes ma da se daurí al debojügn de nüsc fredesc, da ester sensibli a sū scrais de dolur, da odei te ei tōa presenza. Eco ciodi che ara á na te gran valüta empü d'ega fresca: ara ponsada por te. T'es pō tō chel ch'i tratun da amich y da fré canche i ti dauriun la porta a nüsc fredesc. Cōsc é ci co cunta!

Walter Cazzaniga, Parola amica – Il Vangelo della domenica per ragazzi



Gran festa dai apostui San Pire y San Paul (Gran San Pire)

Oraziun do vocaziuns

Signur Gejú Crist, t'as cherdé ei y eres, jogn y vedli, püri y ric, ch'ai te vegni do y arjunji ensciö la vita.

Tres te rengraziunse le Pere tal Spirti Sant ch'al é entres danö porsones co ciafa tal bato y tla confirmaziun to Spirit y co ven, desco fis de Dio, renforzés por so compit tla Dlijia y tal monn.

I te periun por la Dlijia de nosta diozeja: no lascé ch'ara se desmonci sōa enciaria da sostegní i credenc te sōa vocaziun y da daidé i jogn da odei ete cara co é sōa cherdada. Signur, tō sas de ci ch'i án debojügn: che al nes vegni encündé le vangelo, ch'i podunse sontí tōa presenza tl'Eucaristia y tai atri sacramonc.

Signur, i te periun con döt le cōr:

Scinchesse prei co encündi tōa parora sot all'ispiraziun dal Spirit Sant, co ti stái dlungia ai püri y ai amarés, ai migranc y ai desprijés, co condüji sōle der tru les comunités y santifichei le popul de Dio. Deidi da ti mantegní la fedelté a sōa vocaziun. Deache tō es le famei de to popul, tō es nosta speranza por dagnora.

Amen

Santa Maria, Oma de Dio, preia por nos!

Sanc patrons de nosta diozeja Ciascian y Vigile, periede por nos!

Düc os sanc y beac de nosta diozeja, periede por nos!